

IMAQARNILIAQ MAA - Meeqqanut Atuarfeqarnermullu Ataatsimiititaq 10-05-2021

Ulloq ataatsimiiffissaq Mandag 10. maj 2021 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ulluunerani neqerooruteqartarfinni ineriartortitsinissamik suliniutit pillugit ilisimatitsineq.....	6
NUIKI Ittoqqortoormiini aamma Qeqertarsuatsiaani.....	11
Kommuneqarfik Sermersuumi atuarfinni siulersuisunut qinersinissaq.....	15
Kommunimi atuarfiup siulersuisuinut qinersinermi 2021-imi qinersinermut siulersuisuinut siulittaa:	18
Lukket.....	21
Imaqarniliap akuerineqarnera.....	22

IMMIKKOORTOQ .: Saqqaa

Beslutning

Ataatsimeeqataasut

Juaaka Lyberth (IA) - siulittaasoq

Poul Petersen (D) - siulittaasup tullia

Emanuel Nûko (N)

Mia Skrifte Lynge (IA)

Oqarasuaatsikkut

Dorthe-Marie Morgensen-Fontain (S)

IMMIKKOORTOQ .: Oqaluuserisassat akuerineqarneri

Beslutning

Oqaluuserisassat akuersissutigineqarput.

IMMIKKOORTOQ .: Nalunaarutit

Beslutning

Siulittaasup nalunaaruteqarluni ilisimatitsinera:

Nunatsinni meeqqat atuarfianni ilinniarsimasunik ilinniartitsisussaaleqineq ilaatigut sammillugu Institut for Menneskerettigheder aamma Grønlands Råd for Menneskerettigheder nalunaarusiaanni uparuaanerit innersuussutillu pillugit DK-mi avisip Altinget.dk -p allaaserisimasaanut oqaaseqaateqaqqulluni udvalgip siulittaasua Altinget.dk-mit qinnuigineqarsimavoq. Akissutissat piareersarnerini paasissutissat maanna katersorneqarput.

Ingerlatsivimmit nalunaarut:

Charlotte Bech Meeqqanut Atuarfeqarnermullu Ingerlatsivimmi stabimi pisortatut nutaatut ulloq 1. maaji atorfinippoq.
Charlotte Bech Meeqqanut Ilaqutariinnullu Ingerlatsivimmi stabimi pisortatut atorfimmit nuuppoq.

IMMIKKOORTOQ 1: Ulluunerani neqerooruteqartarfinni ineriartortitsinissamik suliniutit pillugit ilisimatitsineq

Beslutning

Ilisimatitsissut tusaatissatut tiguneqarpoq.

Ulluunerani neqerooruteqartarfinni ineriartortitsinissamik suliniutit pillugit ilisimatitsineq

Ilisimatitsissut

SagsID.: EMN-2021-10739

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi ulluunerani paaqqinnittarfiit kingullermik kommunalbestyrelsimut qinersisoqarmat politikerinit sammineqangaatsiarpoq, soorlu aamma 2021-2025-mi politikikkut suleqatigiinnissamik isumaqatigiissuteqartut IA, Demokraatit aamma Naleraq ulluunerani neqerooruteqartarnermut tunngasuni pitsanngorsaasoqarsinnaanera qitiutinneqartoq. Meeqqanut Atuarfeqarnermullu Ingerlatsivik Meeqqanut Ilaqutariinnullu Ataatsimiititaliamik nutaamik siunissami suleqatigiilluarnissaminnut qilanaarpoq, ulluuneranilu neqerooruteqartarnermut tunngasuni suliniutit ingerlanneqartut suliniutaasinnaasullu ilisimatitsissutigineqarnissaat neqeroorutigineqarpoq.

Maannakkut Meeqqanut Atuarfeqarnermullu Ingerlatsivik ulluunerani neqeroorutinut tunngasuni immikkoortumut pilersaarummik suliaqarpoq, 2021-milu politikikkut suliarineqartussanngorlugu nassiunneqarnissaa naatsorsutigineqarluni. Ulluunerani neqerooruteqartarnerup ineriartortinneqarnissaanut sukumiisumik ilisimasanik katersiviunissaa immikkoortumut pilersaarummi anguniakkatut pingaarnerpaavoq. Tamatuma saniatigut suliassaqarfimmi qitiusumik kommunip ingerlatsineranut pilersaarusionermit aqutsinermilu sakkussatut immikkoortumut pilersaarut atorineqassaaq. Taamaalilluni immikkoortumut pilersaarutip aamma politikikkut kissaatit eqqarsaatigineqassapput, soorlu 2021-2025-mi suleqatigiinnissamat isumaqatigiissummi takuneqarsinnaasoq. Politikerit, allaffeqarfik ulluuneranilu paaqqinnittarfinni aqutsisut ataatsimut takorluugaqalernissaat aamma ataatsimut pingaarnertut anguniagassaqaalernissaat kissaatigineqarpoq.

Ingerlatsivimmi immikkoortumi pilersaarummi qitiutinneqartussat ataavartumik sulisutigineqareerput. Suliniutit pillugit ilisimatitsissut uani takuneqarsinnaavoq:

Sulisussanik pissarsiortarnermut sulisunillu nutaanik isertitsilluarnissamat periusissiaq

- Ulluunerani neqerooruteqartarnermut tunngasuni sulisunik ilinniarsimasunik pissarsiornissamat periarfissat pitsanngorsarniarlugit, 2020-mi marsimi allaffissornikkut aalajangiisoqarpoq, tunngaviatigut sulisunut "kissartunik assalinnut", perorsaasunut, isumaginninnermi ikiortinut allaffeqarfirmilu sulisunuunngitsaq, sulisunut inissiat salliutinneqassasut. Ingerlatsivimmit ataavartumik suliniutip taassuma sunniutaa malinnaaffigineqassapput.
- Ilinniarsimasunik sulisussanik kajumilersitsiniarnermut tunngatillugu qanoq pitsaanerusumik iliuuseqartoqarsinnaanersoq ingerlatsiviup massakkut misissorpaa. Tassunga ilanngullugu ilaatigut sulisorilersinnaasat amerlanerit attaveqatigiinnikkut anguniarneqarsinnaapput, atorfirmik inuttassarsiuinerit pitsaanerusut, nalunaarutiginninneq siammasinnerusoq,

kommunillu nittartagaani ulluunerani paaqqinnittarfiit pillugit paasissutissiinerup pitsaanerulersinnissaa. Ilanngullugu suliffiit pillugit nittarsaassinerni attuumassutilinni perorsaasut isumaginninnermilu ikiortit ilinniakkaminnik naammasseqqammersut anguniarlugit peqataasoqartarpoq, soorlu aamma Meeqqanut Atuarfeqarnermullu Ingerlatsiviup decembarimi 2020-mi Ilulissani PI/SPS tikeraaraa paasissutissat agguataarniarlugit, naatsumik saqqummiillutik, perorsaasunngorlaat socialassistentillu nutaat suliffimmut orniginnilersinniarlugit.

- Qitiusumik Kommuneqarfik Sermersuumi aqutsisut sulisussarsiorneq, sulisunik attassineq atorfinitsitsinnermilu inatsisitigut malitassiinerit pillugit pikkorissarnissamut neqeroorfigineqartarput. *Pikkorisaanerillu pineqartut, maannakkut ineriartorteqqinneqarput taamaalilluni pisortat sakkortunermik ukkatarineqalerlutik piginnaanngorsarneqarlutillu sulisorilikkaminnut nutaanut tingumminiinnarsinnaanerannut isertitsilluaniarnissaannullu.*

Napparsimalluni sulingitsoortarneq pillugu suliniut aamma suliffimmi atugassarititaasunik ataatsimut pitsanngorsaaneq

- Ingerlatsivik qitiusumik taartaasartoqatigiinnik aamma/imaluunniit ima taaneqartartumik "perorsaasut suliffeqarfimmut pituttorsimannngitsut" pilersinnissaannut periarfissanik sulissuteqarpoq. Tamatumani pineqarpoq 2021-mi misileraammik ingerlatsinissaq. Aaqqissuussinerit taakkua marluk nassuiaataat 2021-mi politikikkut suliarineqarnissaa pilersaarusionerpoq.
- Napparsimasoqartarnera pillugu kisitsisit kiisalu napparsimalluni sulingitsoorneq pillugu aamma MUS-imi oqaloqateqatiginninnerit pillugit aqutsisut sakkussalersornissaat ingerlatsiviup immikkut eqqumaffigaa.

Pisortanik ineriartortitsineq

- Ulluunerani neqeroorutinut aqutsisut tamarmik qaammatikkaartumik ataatsimeeqatigineqartarput, sulisut ilinniarsimasut paaqqinnittarfirmi immikkoortortaqarfimmilu aqutsisut siunersiuqatigiissinnaanerit taamaalillutik qulakkeerneqartarpoq. Tamatumani saniatigut 2021-mi aqutsisut ataavartumik supervisionerineqartarnissaat coacherineqarsinissaallu sinaakkusersorneqarluni suliarineqarpoq.
- 2019-imi Kommuneqarfik Sermersooq tamakkerlugu aqutsinermi tunngavissamik atuutilersitsisoqarpoq ingerlanneqarlutik.
- Ulluunerani neqeroorutinut aqutsisut Pisortatut Ilisimatusarfimmi aqutsisutut ilinniarnissaannut neqeroorfigineqartarput. Tasiilami Paamiuni Nuummilu aqutsisut amerlanerit taassuminnga aqutsisutut ilinniagaqarsimapput.
- Meeqqanut Atuarfeqarnermullu Ingerlatsiviup Ilinniartitaanermut Naalackersuisoqarfik PI/SPS-ilu oqaloqatigisaqattaarpei, Kommuneqarfik Sermersuumit kissatigineqarmat ulluunerani paaqqinnittarfiit aqutsisui pikkorissarnissamik neqeroorfigineqartassasut. Diplomimut ilinniartitaanermi pioreersumi pisortatut ilinniagaqarnermi modulit ilanngunneqassasut Ilinniartitaanermut Naalackersuisoqarfimmit nalunaarutigineqarpoq, taamaallaalli inaarutaasumik oqaluuserineqarnissaa aningaasaleeriaasissaalu utaqqimaarneqarlutik.

Sulisut ilinniagaqanngitsut piginnaangorsarnissaat

- Tunngaviit 7 atorlugit perorsaanelerineq ingerlanneqarpoq assersuutigalugu meeqqerivinni ataasiakkaani perorsaaneq pillugu ulloqartitsinermi Ilinniartitaanermut Aqutsisoqarfimmit peqataaffigineqarnikuusumik.
- Taassuma saniatigut sulisut peqataaffigisaannik ataavartumik pikkorissartitsisoqartarpoq. Assersuutigalugu akuersaartumik meeqqerineq, børnemappe, meeqqallu 3-5-inik ukiullit ineriartornerat, ilaqutariinnik siunersioqatigiinneq, kammagiitta meeqqallu siusinaartumik inunngorsimasut kingunerlutsitsisarnerat il.il.
- Marsimi 2021-mi ulluunerani neqeroorutini sulisut, sulisunut ilinniagaqarsimanngitsunut qaammatini qulingiluaani ilinniakkamut qinnuteqaqqullugit sulisut Meeqqanut Atuarfeqarnermullu Ingerlatsivimmit kaammattorneqarput. Taanna ukiumut ataasiarluni taamaallaat holdimut ataatsimut nunaqarfinni ilinniartitaanertuinnaq neqeroorutigineqartarpoq, Kalaallit Nunaanni sumiiffimmi qinnuteqartut amerlanerpaaffianni. Kommunip pisariaqartitai aallaavigalugit sulisut suliffimminnut atassuteqaannarlutik najugaq qimannagu imaluunniit eqaatsumik ilinniagaqarnissamut periarfissaq atorlugu ilinniakkamik ingerlatsisinnaanera pillugu ingerlatsiviup PI/SPS oqaloqatigisarpaa. Ilinniakkat eqqortut neqeroorutigineqartalersinnagit PI/SPS suleqatigalugu najugaq qimannagu ingerlariaqqiffiusumik ilinniakkamik aningaasaliisoqarsinnaanissaa Meeqqanut Atuarfeqarnermullu Ingerlatsiviup misissussavaa.
- Sulisut ilinniagaqanngitsut piginnaangorsaqqinneqarnissaat sulisullu ilinniarsimasut ilinniaqqinnissaat pillugit periusissatut iliuusissatullu pilersaarut immikkoortumi pilersaarummi ingerlatsiviup ingerlappaa.

Peqqinnerulernissamik siuarsaaneq

- 2015-imiit kommunimi ulluunerani paaqqinnittarfinni tamani sulisut perorsaataasumik timersornermi pikkorissartitsineranut peqataatinneqartarput. Meeqqanut Atuarfeqarnermullu Ingerlatsivimmi paaqqinnittarfinni sulisut tamarmik ilinniagaqarnissaannut periarfissat massakkut misissorneqarput, taamaalilluni perorsaataasumik timersornermi akuersissutilinnik paaqqinnittarfeqassammat.
- 2021 januaarimi ilaatigut Paarisa, GIF allallu suleqatigalugit paaqqinnittarfinnut peqqissutsikkut siuarsaanissamut periusissiamik suliaqarlutik aallartipput. Taannalu piareerneqariapat politikikkut suliarineqartussanngusaaq.

Nunarsuarmioqatigiinnut anguniakkat:

Iliuuseqarnernut atatillugu ulluunerani neqeroorutini sulisut aqutsisunillu ineriartortitsineq pillugu nunarsuarmi Ilinniartitaaneq pitsaassusilimmut anguniagaq 4-mut, ingammik anguniakkani immikkoortut ilaat 4.2-mut attuumassuteqarpoq, meeqqat ulluunerani neqeroorutiniittartut tamarmik neqeroorutinit pitsaasunut periarfissinneqarnissaannut, taamaalilluta atugarissaarnissaat, ukiuminnut naleqqiullugu ineriartornissaat atualernissaminnullu piareeqqanissaat qulakkeerneqassalluni.

Aqutsisunik ineriartortitsineq pillugu suliniutit suliffimmi pitsaasumik avatangiiseqarnissamik, meeqqerivinnik pitsaasunik, akisussaassusilinnik ersarissumillu suleriaasilinnik ineriartortitsinissaq,

soorlu anguniakkani immikkoortut ilaat 16.6 *nunarsuarmi anguniakkap 16-inip ataaniittoq Eqqissineq, Naapertuilluarneq sullissivinniillu patajaatsunik qulakkeerinissamut aamma tunngavoq.*

Suliniutit peqqissutsimik siuarsaanermut atugarissaarnissamullu qitiutitsisut peqqissuseq atugarissaarnissarlu pillugu nunarsuarmi anguniakkani 3-mut attuumassuteqarput. Tassunga ilanngullugu anguniakkani immikkoortut ilaat 3.4. tarnikkut peqqissutsimut atugarissaarnissamullu, pitsaaliuineq aqutigalugu suliaqarnermut tunngasoq, kiisalu 3.d. peqqinnissakkut navianartut annikillissinnaannut tunngasoq.

Innuttaasunik peqataatitsineq

Ulluunerani paaqqinnittarfinni aqutsisut sulisullu ataavartumik peqataatinneqartarnissaannut ineriartortitsinermilu suliniutinut isumassarsiaminnik ilassuteqartarnissaannut periarfissinneqarnissaat aamma qitiutinneqarpoq. Pisariaqartillugu angajoqqaatigiit attuumassutillit aamma peqataatinneqartarput.

Ingerlatsiviup aningaasaqarnikkut nukissatigullu naliliinera

Suliniutit ineriartuutaasussat piviusunngortinneqarsinnaapput aningaasartuutit pioreersut atorlugit, ineriartuutissallu allat pisariaqalissaaq immikkut taapiissuteqarnissamut qinnuteqaatigineqassasut. Meqqanut atuarfeqarnermullu Immikkoortortaq pisariaqafiatigut immikkkuullarissunik ineriartortitsinissanut immikkut tapineq qinuteqartassaaq politikkut akuerineqartut aallaavigalugit. Suliniutinut politikkkut akuerineqartunut ataavartumik ilassutitut aningaasaliissutinik qinnuteqartoqartarnissaa ingerlatsiviup naatsorsuutigaa.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq.

Ilanngussaq

Ilanngussaqanngilaq.

IMMIKKOORTOQ 2: NUIKI Ittoqqortoormiini aamma Qeqertarsuatsiaani

Beslutning

Inassuteqaat akuersissutigineqarpoq.



NUIKI Ittoqqortoormiini aamma Qeqertarsuatsiaani

Aalajangiiffigisassaq

SagsiD.: EMN-2021-10666

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- siunnersuut akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut aammalu Kommunalbestyrelsimut ingerlateqqinneqassasoq, tassanilu ilassutitut aningaasaliissutitut qinnuteqaatit allat suliarineqarneranni ilanngunneqassasoq

Suliasamik saqqummiussineq

NUIKI suliniutitut ukiuni tallimani ingerlanneqartussatut, nunaqarfinni innuttaasut ilinniartitaanikkut qaffassarneqarnissaat siunertaralugu pilersinneqarpoq. Suliniummi Nuna tamakkerlugu nunaqarfinni atuartut 180-it missaanniittut atuartinneqarnissaat neqeroorutaassalluni. Ukiuni kingullerni suliniut avinngarusimasuni nunaqarfinni minnerni neqeroorutaasarsimavoq.

NUIKI-mi anguniarneqartut tassaapput inuusuttut ilinnialersimangitsut imaluunniit sulilersimangitsut.

NUIKI-mi atuartut Meeqqat Atuarfianni Inaarutaasumik Misilitsinnissamut piareersaatitut atuartinneqartarput, fagini kalaallisut, qallunaatut, tuluttut aamma matematik, kingornalu misilitsinneqartarlutik. Taakku saniatigut atuartut inuttut ineriartornermi ilinniartitaasassapput ilinniagaqarfissanullu ilitsersuunneqartarlutik.

Ingerlatap naajartornerani atuartut Danmarkimut, ilinniagaqarfinnut ilinniartuuffissanullu pulaarnissamut atatillugu, paasisassarsiorlutik angalaqataassapput. Namminersorlutik Oqartussat atuartut nunaqarfinnit (Qeqertarsuatsiaat) angalanerit aningaasaliiffigissavaat, kommunilli nammineq illoqarfinnit (Ittoqqortoormiit) atuartut paasisassarsiorlutik angalanerat aningaasaliiffigissavaa.

Suliniutit nunaqarfimmi illoqarfimmiluunniit meeqqat atuarfii suleqatigalugit, atuartitsinerit atuarfiup Majorialluunniit inaanni ingerlanneqarlutik, pilersinneqassapput. Najukkami meeqqat atuarfianni ilinniartitsisut NUIKI-p ingerlanerani atuartitsinerit ingerlattassavaat.

NUIKI-mik ingerlatsinermi peqataasut 2/3-isa suliniummut peqataareernerмик kingorna ukiup ataatsip iluani ilinniagaqalersimanissaat imaluunniit suliffittaarsimanissaat anguniarneqarpoq. 2019-imi EVA-mit Majoriamik naliliinerup takutippaa, NUIKI-mi ingerlatserernerup kingorna ilinniartut 17 %-i ilinniarnermik aallartitsisimasut, 66 %-it sulilersimasut aamma 17 %-it suli suliffissaaleqisuusut. Taamaalillunilu suliniummi anguniarneqartoq, ukiup ataatsip qaangiunnerani peqataasut 2/3-i ilinniakkamik imaluunniit sulinerмик aallartitsisimanissaat, naammassineqarsimavoq.

Kommuneqarfik Sermersuumi Suliffeqarnermut Isumaginninnermullu Ingerlatsiviup aamma Meeqqanut Atuarfeqarnermullu Ingerlatsiviup, Kommuneqarfik Sermersuumi Qeqertarsuatsiaani NUIKI-mik suliniummik neqerooruteqarnissaq naleqquttuussasoq nalilerpaat. Qeqertarsuatsiaani inuusuttut 16-30-nik ukiullit 36-t missaanniipput. Inuusuttut ilaat ilinniakkamik aallartitsinikuunngillat imaluunniit Majoriami piginnaasanik annertusaaqqillutik ingerlatsisut ilinniakkamilluunniit aallartitsisimasut sukut tamaana unissimapput, tamannalu pillugu nunaqarfimmi kajumissuseqaleqqinnissamut ikiorneqarnissartik pisariaqartippaat.

Taamatuttaaq Ittoqqortoormiini ingerlatsinissamut neqerooruteqarnissaq naleqquttuussasoq nalilerneqarpoq. Ittoqqortoormiini inuusuttut 16-30-nik ukiullit 79-it missaanniipput. Taamaattumik NUIKI-mik ingerlatsinissamut kiisalu Majoriamik FA-mik piginnaasanik annertusaaqqinnermik nangitsinissamut atuartussat naammaapput.

Suliffeqarnermut Isumaginninnermullu Ingerlatsiviup aamma Meeqqanut Atuarfeqarnermullu Ingerlatsiviup nalilerpaat, NUIKI-mik suliniummik suleqatigiinneq atuartut ineriartornissaannut iluaqutaassasoq. Tamatuma saniatigut Qeqertarsuatsiaani Ittoqqortoormiinilu innuttaasut ineriartornissaannut periarfissat amerlanerulissapput.

Suliffeqarnermut Isumaginninnermullu Ataatsimiititaq aamma Meeqqanut Atuarfeqarnermullu Ataatsimiititaq Namminersorlutik Oqartussanit aningaasaliissutit piareerpata aalajangersimasumillu isumaqatigiissusiortoqarpat ilisimatinneqassapput.

Aningaasatigut suliatiqullu Ingerlatsiviup naliliinera

Suliniut Namminersorlutik Oqartussanit aamma Kommuneqarfik Sermersuumit aningaasaliiffiqineqassaaq.

Meeqqanut Atuarfeqarnermullu Ingerlatsivik Ittoqqortoormiini atortussanik aningaasaliissuteqassaaq. Suliffeqarnermut Isumaginninnermullu Ingerlatsiviup aamma Meeqqanut Atuarfeqarnermullu Ingerlatsiviup nalilerpaat, aningaasaliissutaasussat sinneri nussuinikkut pissarsiarineqarsinnaanngitsut taamalu aningaasartuutitut ilassutitut aningaasaliissutinik qinnuteqartoqarluni.

NUIKI-mi suliniummi Qeqertarsuatsiaani Ittoqqortoormiinilu ilinniartitsisut pioreersut atorineqassapput. Ilinniartitsisunik pisariaqartitsineq misissorneqassaaq allanillu sulisunik atorfinitsitsinissamut pisariaqartitsisoqarnerseq nalilerneqassalluni.

2021-mi aningaasaliissutitut tunngatillugu pisariaqartinneqartussatut naatsorsuutaasut tassaapput:

- Qeqertarsuatsiaat
 - o Qaammatini 5-ini ilinniartitsisut akissarsiasaat kr. 140.000
- Ittoqqortoormiit
 - o Qaammatini 5-ini ilinniartitsisut akissarsiasaat kr. 140.000
 - o Danmarkimut paasisassarsiorluni angalaneq kr. 600.000
- **Katillugit** **kr. 880.000**

Kommuneqarfik Sermersuup 2021-mi NUIKI-mik ingerlatsinernut marlunnut aningaasaliinissamut pisariaqartitai tassaapput katillugit 880.000 koruunit. Ingerlatsiviit tamatumunnga aningaasaliissuteqarnissamut ukiumi ilassutitut aningaasaliissutitut siullermut atatillugu qinnuteqassaaq.

2022-mi aningaasaliissutitut pisariaqartinneqartussatut naatsorsuutit tassaapput:

- Qeqertarsuatsiaat
 - o Qaammatini 6-ini ilinniartitsisut akissarsiasaat kr. 168.000
- Ittoqqortoormiit
 - o Qaammatini 6-ini ilinniartitsisut akissarsiasaat kr. 168.000
- **Katillugit** **kr. 336.000**

Kommuneqarfik Sermersuup 2022-mi NUIKI-mik ingerlatsinernut marlunnut aningaasaliinissamut pisariaqartitai tassaapput katillugit 336.000 koruunit.



Aningaasat 2021-meersoq toqqaannartumik 2022-mut nuunneqassapput, taamatuttaaq 2022-mut missingersuutitut tunngatillugu 544.000 koruuninik missingersuutit ikilisinneqarnissaat qinnuteqaatigineqassaaq tamatumalu saniatigut 2023-mut missingersuutitut tunngatillugu 336.000 koruuninik missingersuutit ikilisinneqarnissaat qinnuteqaatigineqassalluni.

Tamatuma saniatigut Qeqertarsuatsiaani atuartunut tunngatillugu siunnersortinit ikiorneqarnernut, atortussanut aamma paasisassarsiorluni angalanernut aningaasartuutit Namminersorlutik Oqartussanit aningaasaliiffigineqassapput.

Namminersorlutik Oqartussat ingerlatsinermut aningaasartuutitut aningaasaliissuteqarnerup saniatigut NUIKI-mi atuartunut 30-inut, atuartumut ataatsimut qaammatini 10-ni 4.450 koruuninik, aningaasaliissuteqassapput. Taakku naligai 1.335.000 miss.

NUIKI-mik suliniut taamaallaat ukioq atuarfiusoq 2021-2022 ingerlanneqassaaq. NUIKI-mi peqataasut misilitsinerat majoriami atuartut 2022-mi upernaami misilitsinnerisa nalaanni ingerlanneqassapput.

Suliffeqarfimmut Kiffartuussivimmit aningaasatigut naliliineq

Siuliini taaneqartutut Suliffeqarnermut Isumaginninnermullu Ingerlatsivik aamma Meeqqanut Atuarfeqarnermullu Ingerlatsivik missingersuutit atuuttut iluinni suliniummut aningaasaliissutissaqanngillat. Taamaattumik suliniut akuersissutigineqassappat ingerlatsiviit 2021-mi aningaasartuutit matussutissaannik ilassutitut aningaasaliissutinik qinnuteqassapput.

Taamatuttaaq ingerlatsiviit 2022-mi suliniummut aningaasaliissutinik qinnuteqassapput 2022-mut missingersuusiornermut atatillugu.

Inatsisitigut tunngavissaq allakkallu tunngaviumik uppernarsaatitalit

- Inatsisartut inatsisaat nr. 28 ulloq 9. december 2015-meersoq suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

Ilanngussat

Ilanngussaqaanngilaq.

IMMIKKOORTOQ 3: Kommuneqarfik Sermersuumi atuarfinni siulersuisunut qinersinissaq

Beslutning

Inassuteqaat akuersissutigineqarpoq.

Ilangussat

Ilangussaq 1 Atuarfinni siulersuisunut qinersinissamut piffissaliussamut pilersaarut.docx

Ilangussaq 2 Atuarfinni siulersuisunut 2021-imi qinersinissamut Ingerlatsiviup najoqqutassiaa.docx

Ilangussaq 3 Allakkatigut qinersinermut ilitersuut.docx

Ilangussaq 4 Assigiinngitsut.docx

Kommuneqarfik Sermersuumi atuarfinni siulersuisunut qinersinissaq

Aalajangiinerit aallarnisaataasut kiisialu Kommuneqarfik Sermersuumi atuarfinni siulersuisunut qinersinissaq pillugu pilersaarusiorneq

Aalajangiiffigisassaq

SagsID.: 51.01.02.00

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- atuarfinni siulersuisunut nikerartumik qinersisoqartassanngitsaq
- atuarfinnut anginerusunut angajoqqaat sinniisaat tallimat kiisalu sinniisussat tallimat qinerneqassasut (Atuarfik Samuel Kleinschmidt, Ukaliusaq, Kangillinnguit, Nuussuup Atuarfia, Atuarfik Hans Lyngge, Tuiisaaq, Tasiilami Alivarpik)
- atuarfinni mikinerusuni angajoqqaat sinniisaat pingasut kiisalu sinniisussat pingasut qinerneqassasut (Qeqertarsuatsiaani, Sermiligaami, Tiilerilaami, Isertumi, Kuummiini, Kulusummi aamma Illoqqortoormiuni)
- ingerlatsiviup piffissaliinermut pilersaarutaata akuersissutigineqassasoq - takuuk ilanngussaq 1
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Atuarfik pillugu Inatsisartut inatsisaat nr. 15, 3. december 2012-imeersoq § 45 imm. 13, Atuarfimmi atuarfiup siulersuisuini angajoqqaat ilaasortaatitassaannik qinersineq pillugu nalunaarut nr. 9, 12. april 2005-imeersoq malillugit atuarfinni siulersuisunut qinersineq pissaq.

Nalunaarut nr. 9, 12. april 2005-imeersoq malillugu kommunalbestyrelsip kingusinnerpaamik 31. juuli 2021 isummerfigisimassavai:

1. Atuarfinni sorlarni angajoqqaat sinniisaat tallimaassappat
2. Atuarfinni sorlarni angajoqqaat sinniisaat pingasuussappat
3. Qinersinermi periutsip ilaanut assigiinngitsunut piffissaliussamut pilersaarut ataatsimoortoq, tak. § 4.
4. Atuarfinni tamani qinersinermut siulersuisuni siulittaasut kommunalbestyrelsimut toqqarneqassappat, tak. § 5.

Tak. 1. Inassutigineqarpoq atuarfinnut anginerusunut: Angajoqqaat sinniisaat tallimat kiisalu sinniisussat tallimat atuarfinni ukunani qinerneqartarnissaat; Atuarfik Samuel Kleinschmidt, Ukaliusaq, Kangillinnguit, Nuussuup Atuarfia, Atuarfik Hans Lyngge, Tuisaaq, Tasiilami Alivarpia.

Tak. 2. Inassutigineqarpoq atuarfinni mikinerusuni: Qeqertarsuatsiaani, Sermiligaaq, Tiilerilaq, Isertoq, Kuummiit, Kulusummi aamma Illoqqortoormiuni angajoqqaat sinniisaat pingasut kiisalu sinniisussat pingasut qinerneqartarnissaat.

Tak. 3. Inassutigineqarpoq ingerlatsiviup piffissaliinermut pilersaarutaata akuersissutigineqarnissaa. Takuuk ilanngussaq.

Tak. 4. Inassutigineqarpoq Kommunalbestyrelsip kommunalbestyrelsimi ilaasortat Nuummi najugaqartut Nuummi atuarfinnut qinersinermi siulersuisuni siulittaasussatut toqqassagai, illoqarfinni nunaqarfinnilu allani qinigaasimasoq illoqarfimmi imaluunniit nunaqarfimmi taakkunani najugaqartuusoq tamaani qinersinermut siulersuisuni siulittaasussatut toqqarneqarnissaa. Una suliaq saqqummiussissutimi allami suliarineqassaaq: Kommunimi atuarfiup siulersuisuinut qinersinermi 2021-imi qinersinermut siulersuisuinut siulittaasussanik toqqaaneq.

Suliffeqarfimmut Kiffartuussivimmit aningaasatigut naliliineq

Atuarfinni siulersuisunut qinersinermi aningaasartuutit missingersuutit iluanni pinissaat naatsorsuutigineqarpoq.

Aningaasaqarnermut Allattoqarfimmit oqaaseqaatit

Aningaasaqarnermut Allatseqarfik oqaaseqartinneqarnikuunngilaq.

Inatsisitigut tunngavissaq allakkallu tunngaviumik uppersaatitallit

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq
- Atuarfimmi atuarfiup siulersuisuini angajoqqaat ilaasortaataitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq
- Kommuneqarfik Sermersuumi atuarfeqarnerup aqunneqarneranut ileqqoreqqusaq

Ilanngussaq

1. Atuarfinni siulersuisunut qinersinissamut piffissaliussamut pilersaarut.
2. Atuarfinni siulersuisunut 2021-imi qinersinissamut Ingerlatsiviup najoqqutassiaa.
3. Allakkatigut qinersinermut ilitersuut.
4. Assigiinngitsut.

IMMIKKOORTOQ 4: Kommunimi atuarfiup siulersuisuinut qinersinermi 2021-imi qinersinermut siulersuisuinut siulittaasussanik toqqaaneq

Beslutning

Inassuteqaat akuersissutigineqarpoq ima ilassuteqaatitalimmik:

Meeqanut Atuarfeqarnermullu ataatsimiititaliaq kommunimi atuarfiup siulersuinut qinersinermut siulersuisunut siulittaasunut innersuussutigivaat:

Ittoqortoormiiti: Ken Madsen

Tasiilaq: Justu Hansen

Paamiut: Emanuel Møller

Qeqertarsuatsiaat aammalu Kapissilit: Uno Motzfeldt

Arsuk: Hanne Jakobsen

Nunatta akiani nunaqarfii: Meeqanut atuarfeqarnermullu Ataatsimiitsitaliap Nunaqarfinni aqutsisunut periarfissiipput siulersuisunut qinersinermut siulersuisunut siulittaasunut innersuussussinissaanut.

Nuuk: Juaaka Lyberth (ASK), Mia Skifte Lyngø (USK), Poul Petersen (Nuussuaq), Lone Rosengreen Pedersen (Kangillinnguit) og Uju Petersen (AHL).

Kommunimi atuarfiup siulersuisuinut qinersinermi 2021-imi qinersinermut siulersuisuinut siulittaasussanik toqqaaneq

Aalajangiiffigisassaq

SagsID.: 51.01.02.00

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meqqanut Atuarfeqarnermullu Ataatsimiititamut inassuteqaatigaa:

- suliaq ataani allaqasut siunertaralugit Aningaasaqarnermut Inuusutissarsionermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq.
 - o Kommunalbestyrelsemut ilaasortanik Nuummi najugaqartunik Kommunalbestyrelse qinersinermut siulersuisut siulittaasussaannik toqqaassasoq
 - o illoqarfinni nunaqarfinnilu sinnerini qinikkamik pineqartumi illoqarfimmi nunaqarfimmiluunniit najugalimmik, illoqarfimmi nunaqarfimmiluunniit qinersinermi siulersuisuini siulittaasussanik kommunalbestyrelse toqqaassasoq.

Suliassamik saqqummiussineq

Atuarfik pillugu Inatsisartut inatsisaat nr. 15, 3. december 2012-imeersumi § 45 imm. 13 aamma Atuarfimmi atuarfiup siulersuisuini angajoqqaat ilaasortaaitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq malillugit atuarfinni siulersuisunut qinersineq ingerlanneqassaaq.

Tamatuminnga tunngatillugu Kommunalbestyrelsemiit qinersinermut siulersuisussanik toqqaasoqassasoq. Innersuussutigineqasaaq toqqarneqartut illoqarfimmi nunaqarfimmiluunniit pineqartuni najugaqartuunissaat.

Atuarfimmi atuarfiup siulersuisuini angajoqqaat ilaasortaaitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq malillugu Kommunalbestyrelse kingusinnerpaamik 31. juuli 2021 Kommunalbestyrelsimi ilaasortanik Nuummi najugaqartunik Nuummi atuarfinni qinersinermut siulersuisuni siulittaasussanik toqqaassaaq. Tamatuma saniatigut Kommunalbestyrelse illoqarfinni nunaqarfinnilu sinnerini qinikkamik pineqartumi illoqarfimmi nunaqarfimmiluunniit najugalimmik, illoqarfimmi nunaqarfimmiluunniit qinersinermi siulersuisuni siulittaasussanik toqqaassaaq.

Aningaasatigut suliutigullu Ingerlatsiviup naliliinera

Atuarfinni siulersuisunut qinersinermut aningaasartuutit missingersuutinit matussuserneqarsinnaanerit naatsorsuutigineqarpoq.

Suliffeqarfimmut Kiffartuussivimmit aningaasatigut naliliineq

Pingaaruteqanngilaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaatinik pissarsiniartoqanngilaq.

Inatsisitigut tunngavissaq allakkallu tunngaviusumik uppersaartitalit

- o Atuarfik pillugu Inatsisartut inatsisaat nr. 15, 3. December 2012-imeersoq.

- Atuarfimmi atuariup siulersuisuini angajoqqaat ilaasortaatitassaannik qinersineq pillugu Namminersornerullutik Oqartussat nalunaarutaat nr. 9, 12. april 2005-imeersoq
- Kommuneqarfik Sermersuumi Atuarfeqarnermut Aqutsinermut Ileqqoreqqusaq.

Ilangussaq

Ilangussaqanngilaq.

IMMIKKOORTOQ 5: Lukket

IMMIKKOORTOQ .: Imaqarniliap akuerineqarnera

Beslutning

Imaqarniliaq akuerineqarpoq nal.: 14:25